

興國縣志卷之十二

土產

按物產視土所宜必其異於他邑而爲此邦所獨有與其良且多者乃得書故舊志一切從略而不得議其疎今稍爲推廣凡本邑特切民用及爲他邑所利賴者皆書之或時節先後形色稱謂有與他邑不同者亦書之又或昔無而今有昔楛而今良者亦分別書之使樹藝之宜與懋遷之有無因之附見焉

穀類

稻 分龍早亦名芒花早自插秧六十餘日卽熟米粒

興國縣志

卷十二

土產

長白氣味甘香因所穫甚少耕百畝者僅蔣一二藉以接新 大葉早亦名猫牙早七十餘日成熟米粒純白兩頭尖細舂上白米以是爲最 大穀早穀長穗多八十餘日乃熟亦可舂上白米價比大葉早略低 百日早九十餘日始成熟禾稼繁殖所穫甚饒得三時之氣其性中和最益人 麻禾有早水遲水二種穀殼隱隱有黑斑穎長實滿穫麻禾五石得米可當早穀六石皮薄米精絕香美早水者更良性忌寒必田之腴當陽而不涸者始可種 三百粒亦呼馬尾粘穀甚長米色白一穗得穀在三百內外故名 早糯色白粒圓小四月

蔣六月收釀酒味淡 紅米糯穀長皮薄立秋後收釀
酒味佳種者最多 牛婆糯穀短米軟多層以作餅
大糯至冬乃收穀殼有毛色白如霜長三四分得金之
氣多釀酒尤甘美 粘禾亦名香禾粒白而長甘芬柔
滑與百日早並收不堪釀酒臘月中取以造飯用槐花
水和之舂爛作餅名曰槐餅俗呼黃元度歲以相饋贖
出衣錦鄉者良 八月粘穀小米紅最堅硬白露後收
造紅麴用

粟 榦長而節稀者為高粱粟榦短而五穗形如雞爪
者為雞爪粟粒圓大團聚而生者為包粟可蒸食亦可

興國縣志

卷十二

土產

春粉作粢餅

麥 有大小二種皮厚麩少不及北地 蕎麥即莢麥
一曰烏麥俗呼花麥立秋前後下種霜降後收實有三
稜可磨粉作湯餅

豆 有黃黑青赤各種大小不一刈禾後田半種豆秋
霖則多實經霜乃枯十月收 田塍豆與蔣禾時同植
塍畔結實若石蓮一本可獲升餘黑光黝然又有茶花
色者味尤香美 綠豆形微小可作粉亦可發芽為菜
飯豆小豆之白者也本名白豆粥飯皆可拌食 豇

豆開花結莢必兩兩並垂豆子微曲如人腎形本草謂

豆爲腎穀者宜以此當之乃豆中之上品 扁豆一名沿籬豆俗呼眉豆形色不一嫩時可作蔬入藥以白扁豆爲最 刀豆微似皂莢扁如劍脊有三稜嫩時煮食醬製蜜煎鹽漬俱佳 雪豆冬種春收質圓色白煮食最甘美 蠶豆與雪豆同時收種皮粗實大 胡麻 卽脂麻一名巨勝有黑白赤三種取油白者良服食入藥黑者良

蔬類

筍 種類不一有大筍卽苗竹筍有苦筍卽苦竹筍有甜筍卽笙竹筍其最美者曰冬筍亦苗竹筍也東觀漢記謂之苞筍冬月未出土時掘取之味勝春筍此筍得十月小陽春之氣不掘取亦不能成竹

輿國縣志

卷十二

土產

菘 一名小黃芽俗呼白菜經霜後莖葉柔軟脆美無滓堪與北地黃芽爭勝

芥 俗呼大菜秋下種冬春皆可食取芥心置沸湯中令半熟名辣菜和莖葉暴乾漬以鹽名醃菜煮極熟再暴再蒸爲乾醃菜亦曰霽乾菜可久收不壞其菜頭大如杵俗呼菜腦味尤美收子搗爲芥末可調品味

韭 一種而久生故謂之韭歲三四割其根不傷至冬壅培先春復生其美在黃黃乃未出土者

葱 有二種莖葉尖小者四季皆茂俗呼四季葱氣味最佳長大者爲木葱稍遜

芹菜 有水旱二種興皆旱芹必擇沃壤種之鬱然叢蔚莖稍瘦不及大江濱澗之肥白而芳馨過之

莧菜 有赤白紫三種忌與鼈同食馬齒莧別爲一種葉圓而尖又名瓜仁菜

瓠菜 遼齋閱覽曰本生東夷古倫國番船以瓠盛之故名有水旱二種興無水瓠皆種於園土緣地蔓生莖肥大而脆美者曰藤瓠味最佳其種子而先出者莖稍短爲子瓠味亦不及

興國縣志

卷十二

土產

菠菱 種出頗陵國訛爲菠菱味甘滑久食令人脚弱
荇蓬 葉厚而柔微有小毒晒之難乾取其莖燒灰淋汁洗白衣色瑩如玉

葵菜 土名蕪菜性冷味柔滑吳人謂之滑腸草

壓香菜 葉莖與薄荷相似氣味清香辛辣能寬胸散寒切碎以配饅品外科用以散毒

芸薹 卽油菜此菜易起臺采其臺則分枝更多子可榨油

蘿蔔 卽萊菔性能消食制麪毒長短大小各視土宜別有一種色紅而長細名紅蘿蔔不甚充蔬多晒乾作

果

薑 說文云禦濕之菜也初生嫩者其尖微紫名曰紫薑或作子薑宿根謂之老薑

茄 有數種紫色居多秋後食多損目

豆角 有青紅白三種苗葉皆類蛾眉豆青者長二尺餘紅白者肥而短肉稍薄

蒲子 本草作壺盧釋名瓠瓜古人壺瓠匏三者通稱今俗以首尾如一者爲瓠圓大而形扁者爲蒲腹圓而長柄者爲水蒲亦曰瓠蒲名色各異而性則同別有一種苦瓠不堪食只可爲瓢

興國縣志

卷十二

土產

絲瓜 葉如蜀葵老則筋絲羅織如蔴績之亂而無緒故土人呼爲亂績亦曰爛績滌器最佳連皮燒灰存性研末沙糖調水服可治痘瘡

冬瓜 一名地芝經霜後皮白如霜以其冬熟故名

南瓜 種出南番故俗呼番蒲皮上有稜不可生食

芳瓜 張騫得種西域故名胡瓜隋避諱改名黃瓜長尺許有瘡癩如疣因呼爲芳瓜俗誤以月令王瓜生卽此不知王瓜乃土瓜也

苦瓜 一名錦荔枝味苦本草以爲有清心明目之功

越瓜 俗名梢瓜一名菜瓜種出越中充蔬作果皆宜

蕨 山菜也莖嫩可食掘根搗汁澄以作粉亦可禦饑
久食令人目暗鼻塞髮落小兒食之脚軟不能行

芋 一名蹲鴟種類甚多大約不過水旱二種旱芋山
地可種水芋水田可蒔惟香芋味尤美

諸 有紫白二種形扁而大重至數斤削去皮煎食煮
食皆美

番薯 種出交趾亦有紅白二種生熟皆可食刷汁瀝
去渣滓可作粉生切暴乾名番薯片剝碎收儲名番薯
米冬春之月和米蒸煮可代五穀農家禦饑多恃此故
興俗遍地種之

興國縣志

卷十二

土產

花類

蘭 蘭花爲江淮所重壅以火土沃以池水置半陰半
陽處噓風暄日雅含幽趣春月時發一二枝夏秋花盛
香氣獨清灌溉得宜冬亦間或發蕊吐香 素心蘭純
白如玉七八月盛開香清而遠 甌蘭一名報春蘭花
黃綠色瓣有紫紋多產幽叢邃壑中一莖一花每值冬
盡春初與梅萼齊放芳馥異常 紅蘭生於盧公山每
經野燒葉盡去而花始發香甚烈唐人詩幾年春雨長
紅蘭或此種也花微頰俗名火燒蘭 賽蘭一名珍珠
蘭花小如金粟香特濃俗呼米碎蘭 洗手蘭本非蘭

種無花以其葉著手甚香氣味似蘭故名洗手蘭
梅 十二月花大放遲則正月亦有十月十一月即開
者各處栽之居人多利其實若紅梅綠萼等祇供盆玩
不結實 臘梅本非梅類以其色似黃臘與梅同時花
而香又相近故名

桂 有秋花者有四季花者惟丹桂獨重香甚清烈
菊 種類甚繁黃者居多白次之餘則間見惟白者食
之最清心明目

海棠 種亦不一花蕊俱紅者名貼梗海棠鮮艷能久
開澆之以酒色愈艷故又呼醉海棠結實如木瓜者名
與國縣志 卷十二 土產
木瓜海棠淡紅色者為西府海棠純白清潔一望如玉
者為白海棠然此種不多見

茶花 冬月開花至次年二月方謝花瓣大紅心黃色
攢聚如珠者名寶珠茶白瓣者名白洋茶紅白半者名
五色茶深紅單瓣者名山茶

荷花 爾雅曰荷芙蓉其花菡萏其實蓮其根藕羣芳
譜曰一名水芙蓉興邑荷花雖少而藕特佳

木芙蓉 葉大如桐次第開謝耐寒而不落故又名拒
霜其花葉根皮可治一切癰疽惡疾或生搗或乾研末
和蜜塗腫處四圍空頂乾則頻換無論初起已成已穿

靡不速效或加生赤小豆末尤妙

石榴花 單瓣者著實秋末紅熟皮開露子鮮潤甘甜
又一種名火石榴不結實花紅重瓣望之如火如荼
薔薇 一名刺紅花顏色不一惟瓣單而白者最香其
花一開七朶故又呼爲七姊妹

金鳳 一名鳳仙花又名好女兒四月開花頭翅羽足
俱翹然如鳳至秋末結實纍纍如櫻桃醫家用其子以
催生立效俗呼金珠花婦女常取以染指甲
木槿 有紅白二種皆可采以充蔬白者尤清肺熱取
其根磨淡酒可止臍風

興國縣志

卷十二

土產

芭蕉 株高丈餘望之如樹澱江書院多植之茂葉濃
陰映窓拂檻有綠雲深院之致

美人蕉 株葉與芭蕉相似而差短小萼似萱花丹黃
鮮妍花時有彩蝶來棲花謝乃去

鳳尾蕉 一名麒麟蕉一名辟火蕉株皮如老松鱗甲
遍體葉似鳳尾花從中抽初起如毬漸高若累塔細瓣
玲瓏分房結實形似牛乳故又名牛乳蕉好以鐵爲糞
將枯以釘釘其根則復生亦異物也凡蕉花皆有瀉火
功可治吐血之症

果類

珍珠李 產田心及黃溪者良樹高不盈丈二月開白花結實如彈丸五月熟丹黃纍纍色映朱霞食之津液甘芳漱潤齒頰別一種名大水李顆略大色青紫酸澁不堪生食暴乾爲果亦佳

桃 開花多以正月不待仲春結實頗繁小暑熟者口早禾桃大暑熟者曰遲禾桃生食不甚佳惟宜曬乾作果有一種名四兩桃大若茶甌夏至前熟皮肉鮮紅味甘如蜜生啗絕美爲他邑所無

梨 樹高二三丈花白如雪上巳日無風則梨多實圓大而皮色青黃者爲後埠梨皮斑赤而味淡者爲石頭

興國縣志

卷十二

土產

九

梨皮青味甜而汁少者爲早禾梨長二三寸汁多而味甜者爲枕頭梨俗統謂之張梨按潘岳閒居賦云張公大谷之梨杜詩張梨不外求土語蓋非無本也其最佳者曰雪梨曰秋白梨鮮脆無滓差可與北梨相頡頏實圓小如珍珠李者曰梨槩子皮粗赤味酸酢煮熟方可食其木獨細嫩堅實人多用以刻書

棗 毛詩八月剝棗興邑棗皆以七月成熟大如拇指多食損脾助濕熱

柑 興俗橘橙柚統謂之柑 形圓圍徑大尺餘者曰大柑有紅瓢白瓢二種贛俗謂之橙郡志曰贛果惟柚

最佳俗呼爲橙謬戾已甚按陸佃埤雅云橙柚屬也本草註李時珍曰柚乃柑屬之最大者然則贛俗名橙本之埤雅與俗名大柑本之本草綱目似皆不得謂之謬戾 大如茶甌紅潤香甜以其種得自廣州曰廣柑比廣柑差小皮黃而味亦甜以其種得自袁州曰袁州柑亦曰黃柑或曰廣柑黃柑皆橘也然羅願云柑之甘在瓢本草綱目橘註引孔安國云小曰橘大曰柚皆爲柑也與俗以橘爲柑不爲無據 皮紅而瓢酸不可食但作玩具者曰朱柑按韓彥直橘譜云朱柑類洞庭而大色絕嫣紅其味酸人不重之殆卽此種 四季開花隨

興國縣志

卷十二

土產

花結實者曰公領孫亦柑屬也味澀不堪食霜降後滿樹鮮紅耀目足稱佳玩

金柑 樹高三四尺枝幹多刺四季相續結實如梧桐子大惟秋更盛十月始黃落可以生啖可以蜜製點茶近來出自北隄五里亭者最佳

香櫞 俗呼香橙形如小瓜兩頭銳皮金黃色氣極芳馥盛之几案可作清玩製以糖蜜可稱佳果又一種形似香櫞上皺銳而下圓平俗名蜜橘去瓢切片糖曬作果亦甚香美

林禽 經霜後味特甜林有是果則衆禽來集故亦名

來禽

蒟薺 卽爾雅鳧茨種淺水田中一莖直上無枝葉冬初結實大如植栗外紫裏白甘而有漿能化銅爲水去目翳明潤者味尤美

山楂 能消積滯然多食令人嘈煩易饑且損齒

柿 俗作柿非生食引痰曬乾則益人不可與蟹同食落花生 一名長生果種宜沙土開黃花花落土則結實故名性與王瓜相反不可同食

甘蔗 多產於縣南各壩經霜後生啗甚甜潤至冬刪刈絞汁煎爲紅糖亦名沙糖

興國縣志

卷十二

土產

六

木類

松 興土最宜松凡山皆種之性堅者堪任棟樑裏疎及多油者祇供爨薪又一種柏葉松身理疎而少節其材尤良俗呼爲杉松其實乃檜也

杉 有赤白二種赤杉實而多油白杉虛而乾燥山居人多種之食其利者衆其皮可蓋屋

樟 其木理多文章故謂之樟興邑此樹最多有大十圍高數尋者四時不凋多用以解片造船

榕 榕畏寒樟畏暑城西三檀寺古榕二株蟠拏糾結頗稱異物河岸所植惟灘上一本最大邑人呼其他爲

榕樹下

楓 一名香楓樹甚高大枝幹修聳木堅而細膩秋葉丹紅可愛冬實落人多拾而燒之以收濕氣

桐 種類甚多可作油者乃岡桐也樹小不能速長實大而圓中或二子或四子肉白味甘不可食食之令人嘔吐

蠟 卽女貞也四時青葱白蠟從此孕毓而成土人不諳種蠟術惟鋸斷焚爐鼎名曰蠟香

漆 葉似椿花似槐五六月間葉端苞而不茁則孕漆矣斧斫根節間承以蚌殼夜垂乳如豆向曉卽闕越三

興國縣志

卷十二

土產

三

宿取一週太數則乳不吐也至九月而止暴以烈日盛以木鬻土美者二十年一易其地用以漆器居廣漆之上

棕 本名櫟欄幹直無枝葉圓大如車輪萃於樹杪下有皮重疊裹之每一匝爲一節種之者歲割其皮以爲利不割則糾纏反不能長爲篔簹爲繩爲簑笠其用甚廣烏相 一名鴟柏以烏鴟喜食其子而名也采子壓油燃燈極明興邑多取以澆燭

竹類

方竹 產於靈山蒼翠秀潔爲此君之異品

扁竹 生蓮花山之五門洞相傳謝肇微時芻牧於此以指壓竹其節遂扁今其地生竹節節皆扁蓋遺跡云
苗竹 竹之榦最大者寶城鄉竹管洞因多苗竹得名東村亦產苗竹居民編垣蓋屋窓櫺戶樞及一切器物無不於竹是賴且以鬻之他境人工少而利廣者莫如苗竹

黃竹 節長尺餘質柔薄取以作器價甚廉

笙竹 鮮碧光潤性最堅破絲織器滑澤可愛

斑竹 文彩斐然點似湘竹多取以織簾作器玩亦雅緻

興國縣志

卷十二

土產

十三

苦竹 隨處野生成叢有青紫白數種

觀音竹 一名鳳尾竹高尺餘細嫩蕭疎可供盆玩

箬竹 葉可造蓬笠端午用之裹粽

藥類

何首烏 蔓生花黃白其根小者如拳大者如盃有赤

白二種夜則藤交一名交藤山谷中常掘得之

金銀花 凌冬不凋亦名忍冬三四月開花長瓣垂鬚

黃白相半而藤左纏又名左纏藤爲散熱解毒之要藥

莖葉及花功用皆同

菖蒲 石磧生者名石菖蒲葉有劔脊瘦根密節溪澗

生者名水菖蒲葉較長根亦略大入藥以石菖蒲一寸九節者爲良

石斛 生石上股短中實光澤如金釵者名金釵石斛邑中所產藥品惟此最勝

骨碎補 寄生樹石上主補傷折故名俗呼爲胡孫薑象形也

紫蘇 性舒暢行氣和血散寒開鬱故謂之蘇曰紫者別於白蘇也取嫩莖葉以鹽醋醃食之最能開胃

香薷 方莖細葉香烈逼人性辛散夏月解表之藥

香附 卽莎草根根有鬚鬚下結子轉相延生子上有

興國縣志

卷十二

土產

齒

細黑毛采得燎去毛暴乾用名香附子處處有之

夏枯草 秉純陽之氣夏至後卽枯乃治瘰癧之要藥

穀精草 穀田餘氣所生故曰穀精治目中翳膜最效

威靈仙 李時珍曰威言其性猛也靈仙言其功神也

去諸風通十二經脉

白頭翁 山谷及田野處處有之可治熱毒血痢

土茯苓 有赤白二種入藥白者良病瘡毒人煎湯代

茶最妙

百合 味甘美潤肺止嗽他邑多用之爲菜興國祇以入藥

枸杞 莖榦高三五尺六七月生小紅紫花隨結紅實
根名地骨皮子有生精明目之功皮有去下焦肝腎虛
熱之功

梔子 花皆六出采實曝乾炒黑用能瀉肺火清胃腕
之血俗呼黃梔子多用以染物

蓖麻 性善收亦善走能通諸竅榨油可作印色及油
紙

五加皮 李時珍曰此藥以五葉交加者良故名五加
剝皮陰乾漬以酒療風濕痿痺壯筋骨本草又名追風
使

興國縣志

卷十二

土產

五

金毛狗脊 根長多岐狀如狗脊而外有黃毛土人采
根收存入藥用其毛以療金鐵傷

蟬退 本名蟬蛻李時珍曰蟬乃土木餘氣所化飲風
吸露其氣清虛故主療一切風熱證

夜明砂 卽蝙蝠矢也食蚊砂卽蚊眼故治目疾

羽類

布穀 卽鳴鳩一日郭公俗呼催工

雀 棲檐瓦中故曰瓦雀俗以色斑駁爲麻故又曰麻

雀

鴿 興無野鴿羣飛於外者皆人家所畜羽毛不過青

白皂斑數色

雞 徐鉉曰雞者稽也能稽時也故家居必畜之馱則易肥而無毒鄰境來購者甚多遠及閩汀雄雞僅留一二以司晨而已

鴨 本名鶩一名家鳧取其卵嫗以熟穀晝夜迭換暖氣醞釀二旬餘卽成鴨雛有專業之以獲利者又一種冠幘鮮紅重至五六觔名曰鳧鴨鄉人亦偶畜之

鳧 野鴨也俗呼水鴨比家鴨差小肥而耐寒宜爲臠毛類

牛 有犍牛水牛二種犍牛毛色不一俗總謂之黃牛

興國縣志

卷十二

土產

十六

畜之有功於人者莫如牛興邑產牛頗繁利及鄰壤乃用其力而復食其肉不可不嚴爲之禁

羊 種類甚多興產皆山羊重不過三四十觔不若西北之肥美

豬 畜之者十家而九豢養之法初生一二月飼以米粥三四月後則煮碎米糠糟豆渣飼之無祇令齧草不沾米氣者故興邑豬肉甚肥美

猴 白虎通云猴者候也見人設食伏機則憑高四望善於候者也巖穴中時時有之靈山尤多

狐 形似黃狗鼻尖尾大每出竊人家雞土人呼爲自

尾狗皮亦可爲裘但不如產北方者之毛深色純耳

鱗介類

魚 鮠鱮鱧皆池塘所畜種出九江自吉安販致謂之魚苗有專以畜魚爲業者寒暖饑飽各有節候稍或失時則魚不能長他如鯉鮎鰕鱖之類皆爲雜魚聽其自生自育於水濱焉

鯽 亦池塘所畜形圓而肉厚者名荷包鯽魚味極美春月始有他邑絕少此種

鼈 俗呼脚魚所在之處必有浮沫謂之鼈津捕者以此爲驗陳藏器曰凡鼈之三足者赤足者獨目者頭足與國縣志 卷十一 土產 七 不縮者目四陷者腹下有王字十字蛇文者在山上者並有毒殺人不可食

金石類

鐵 產寶城衣錦鄉等處業爐冶者獲利甚厚然與邑自有鐵廠而山巒之頽敗水道之淤塞貽害田疇正復不少今已罷去一廠而其一尚存

紅石 各處俱有惟產瀧下水者最佳丹崖爛然石工椎鑿砢礪早夜不息贛諸邑暨吉臨數郡垣堞堦礎柱表碑碣無不賴其用質稍不如青石之堅潤江右之石則稱斯爲良

白石 出梅窖其白如雪鑄寸以外字甚佳刻畫稍細則易剝裂

食貨類

油 茶油一曰木油興邑山阜多種茶子其樹木堅而葉厚青翠茂密凌冬不凋十一月開花瓣白心黃花謝結子含苞孕實將一週歲始拾子剖仁榨油色味甘香清潔故又曰清油專入食饌膏髮亦佳吳人購之入玫瑰素馨蘭桂諸香爲香油興地所產甲於他邑商賈收販終歲不絕若茶不結實則爲歉歲 菜油卽芸薹子所榨者罕入食品惟用以點燈 桐油不可食亦不宜

興國縣志

卷十二

土產

六

燈以飾器物清潤膠粘視楚蜀所產尤勝 麻油入饌最香美然所出不多

茶 山地恆有之然多粗劣惟縣東新溪遍地皆茶樹穀雨前采取細嫩清芳差可與巖茶比美

酒 興邑造酒以草藥爲麴名曰酒藥亦曰酒餅市肆所沽最上者爲冬酒次則狀元紅次曰土老酒又次曰冬釀曰雙料卽水酒也家釀之美者每以酒爲水而加釀合古人醱酒之法加至三四酸藏至五六年則粘如膠黝如漆甘如飴非欸上賓及至親密友不輕用 珠粉 用晚稻米之最佳者取其精英去其渣滓稍經

日曝篩粉成顆有珠圓玉潤之致和羹入饌似薏仁贛郡諸邑不能有也饋遺多取給於衣錦鄉之山寮村粉乾亦用稻米之最佳者爲之磨漿澄淨榨粉如絲入釜中煮過卷疊成箔烈日暴乾久貯不壞用時再煮入饌作點心皆宜他處雖有之而滑白柔韌以出自興邑者爲尤勝

烟草 一名淡巴菰種出日本明季始入內地興邑種烟甚廣以縣北五里亭所產爲最秋後吉郡商販踵至利視稼圃反厚或謂妨五穀宜禁或謂小民生計所繫不必禁前人之論詳矣

興國縣志

卷十二

土產

五

靛 本草名藍澱俗作靛冬月采藍葉浸水一宿入石灰攪至千回澄淨去水則成澱用以緇染攪時浮沫掠出陰乾謂之澱花卽青黛也邑產除油烟外藍利頗饒夏布 績苧絲織之成布曰夏布土俗呼爲春布一機長至十餘丈短者亦八九丈衣錦鄉寶城鄉各墟市皆賣夏布夏秋間每值集期土人及四方商賈雲集交易其精者潔白細密建寧福生遠不及焉

葛布 粗細不等出前坑者佳緝績甚精價亦最昂
蓆 剖草曝乾織以爲蓆色青暗不及蘇蓆之密緻故謂之曰粗蓆

紙 出竹管洞等處潔白細嫩者曰竹紙白而長大者曰連四紙粗厚者曰草紙質韌而色黯者曰綿紙皆常用所需 以絹紙糊爲摺疊扇生柿油塗之曰油紙扇價廉而適於用市之者衆有轉販至他省郡者故附載於土產之末